

## Thuto le Topollo



---

### SABATHA THAPAMA

#### **Bakeng sa Thuto ea Beke ena Bala:**

*Gen. 1:26, 27; Esa. 11:1–9; 2 Tim. 3:14–17; 1 Marena4:29–34; Johanne14:17; 1 Bakor.2:1–16.*

#### **Temana ea Khopolo:**

“Lengolo lohle le bulutsoe ke Moea oa Molimo, le na le molemo oa ho ruta, oa kholisa, oa ho laea, le oa ho holisa ka kholo ea ho loka” (2 Timothea 3:16).

**B**ibele e pheta pale e telele ka Molimo le batho ba hae. Ka nako tse ling hothoe ke pale ea lerato le hlolehileng, bonyane ha nakoana. Kapa e ka bonoa e le pale ea ntate le bana ba hae ba marabele, bao qetellong, ba kenang tseleng. Empa bakeng sa thuto ea beke ena, re tla sibolla 'mokotaba o mong paleng ena ea Bibeletse, eleng, ea tichere le barutoana ba hae. Bana ba lutse ba feila, empa u tsoela pele ho lula a pheta lithuto ka mamello, ho fihlela, qetellong, ba bang ba li tseba. Pale ea Bibeletse ha e ea fapana le pale tsa rona tseo re li tsebang ka hlooho—ntle le mokhelo o le mong. Pale ea Molimo le batho ba hae ho tiile hore qetello ea eona e ntle, pale e fihlela sepheo sa eona. Mohau o halalelang bathong ba hae o fana ka tiisetso ea qetello ena. Boikarabello ba likamano tsa batho leratong lena hangata batho ha ba bo utloisise, ebile ba bang ba e tšaba ba nahana hore bo boima. Empa haele hantle, pale ea Bibeletse ke pitso eo Molimo a e etsang ea tseba Molimo le thato ea hae. Ruri, ho ithuta ho tseba Molimo ke karabelo ea rona ea pele mohaung oa hae. Re ka se oeloe ke mohau oo, empa re ka ithuta oona, 'me, thuto ea Bokreste ke eng, haeba , khubu ea eona e se thuto e re rutang ka mohau oo?

*\*Ithute Thuto ea Beke ena ho lokisetsa Sabatha sa, 21 Pulungoane.*

## Ka Setšoantšo sa Molimo

**Bala Genese 1:26, 27 le Genese 5:1, 3. Litemana tsee li re rutang malebana lee kamoo Molimo a bopileng batho kateng qalong eaba ho etsahala eng kamora sebe?**

Poleloana “setšoantšo sa Molimo” e hohetse bamanolli ba Bibe le ka lilemo-lemo. Setšoantšo see seo batho ba pele be ileng ba boptjoa ka sona ke eng? Mohlala, na ho bolela hore Molimo o ile a icheba ka seiponeng eaba o etsa tlholeho ea hae e ncha hore e shebahale joaloka eena? Na ho bolela hore batho ba tšoana le Molimo ho feta mefuta eohle ea ntho tse hlotsoeng? Kapa e mpa e buoa ka semoea le kelello e tsoanang le ea 'Mopi? Mangolo ha a fane ka tlhaloso e hlakileng ea lipotso tse, leha barutehi ba tšile ka lithaloso tse ngata tseo ba li nkang Mangolong tsa hore na e be e bolelang. Leha ho le joalo, re ka bona hore, kamora sebe, setšoantšo sena se ile sa fetoha, ke ka hona Ellen G. White a ngotseng hore sepheo sa thuto ke ho khutlisetsa setšoantšo sa motho 'Moping oa hae (Education, maq. 14–16).

Thuto e ka fihlela pakane e holimo-limo ee joang? Taba ea pele, re lokela ho hopola hore Molimo o re entse hore re be le likamano lle eena, mohlomong joalokaha bana le batsoali ba etsa. O re entse ka setšoantšo sa hae, hantle joalokaha batsoali ba batho ba tšoana le bana ba bona (Gen. 5:1), hore e nyollele ho eena ho ba bana ba hae, bao eleng litho tsa lelapa la hae; a ka buoa le rona e be u ba le likamano tse sa feleng le rona. Ka hona setšoantšo sa Molimo ke sa “ka hloohong” haholo se etsang hore ntho tse peli, e halalelang le eo eleng motho, ho kopana likelellong. Sena ke sona hantle se etsahalang thutong, pele, lapeng pakeng sta batsoali le bana, hamorao sekolong ha batsoali ba nka marapo a ho ruta. Ho hlakile hore Molimo o ne a rerile hore thuto e tsamae tjena ha a re khetholla hara ntho tsohle tse phelang a re etsa ka setšoantšo sa hae—o entse joalo hore a re rute le hore re ithuthe ho eena, ho fihlela setšoantšo sa hae (kelello ea hae) e bonahala ho rona.

**Pale ea topollo ke pale ea thuto ho tloha tlholehong ho ea ho phetolelong ea Molimo-motho, ho ea popo-bocheng hape. Molimo ke tichere, 'me leholimo ke sekolo sa ka ho sa feleng (sheba Ellen G. White, Education, leq. 301). Ke ntho life tse boleloang ke khopolo ee bakeng sa boinehelo ba rona thutong ea Bokreste lapeng, kerekeng, sekolong, junifesithi, le bophelong ka kakaretso?**

## Jesu e le Tichere

Bibele e sebelisa mantsoe a mangata ho hlalosa Jesu. Ke Mora oa Molimo, Mesia, Mora Motho, Mopholosi, Molopolli, Morena, Konyana ea Molimo, ho qotsa a seng makae. Empa bathong bao ba ileng ba mo tseba hantle nakong ea boevangeli ba hae Judea le Galelea, e n'e le tichere. Ba ne ba 'mitsa "Morena" kapa "Rabi." Mantsoe ana a bolela ntho e le 'ngoe, eleng, "Tichere" Ka hona, mosebetsi oa ho ruta e tlameha e n'e le ona o neng o nepahetse hore a ka o sebelisa bosebeletsing ba hae sechabeng. Mohlomong mosebetsi oa hae oa topollo o tsoana le oa ho ruta. Sena se bile sa porofetoa ke moevangeli oa moporofeta.

### **Bala Esaia 11:1–9. E senola eng mabapi le mosebetsi oa Jesu oa ho ruta?**

---



---



---

E 'ngoe ea boporofeta bo hlollang mangolong ka Mopholosi bo fumanoa ho Esaia 11. Temana tsa 1-3 li bontša Mesia ea tlang ka thuto, e le ea tlisang tsebo, likeletso, bohlahe, le kutloisiso. Serapa sena kaofela se qetella ka tšepiso ena e hlollang: "Hobane lefatše le tla tlala tsebo ea Jehova, jolokaha metsi a aparetse leoatle" (Esa. 11:9). Ellen G. White bukeng ea hae ea Thuto hore a supe hore mosebetsi oa topollo le oa thuto ke ntho e le 'ngoe (sheba Education, leq. 30).

Bala Johanne 3:1–3. Nikodema o ile a re Jesu ke Rabi, a tsoela pele a re neo tsa Jesu tsa ho ruta li tsoa ho Molimo ka baka la ntho tseo Jesu A neng a li etsa, tse kang mehlolo ea hae le kutloisiso e tebileng ea bophelo ka kakaretso. Jesu o ile a amohela, ha a fuoa boemo ba tichere, ka hona o tlameha a ile a amohela le hore na neo ea hae ea ho ruta e tsoa kae nakong eo a neng a arabela Nikodema a re o tlameha ho tsoaloa la bobeli hore a bone (a utloisise, a be a kene) 'musong oa Molimo. Sena se bolela hore matla a ho ruta ba bang, le ho Jesu, a ne a tsoa ho Molimo.

Ruri ho ruta ke mpho e tsoang ho Molimo. E fanoe ke Molimo, ea ananeloa ke Jesu, 'me ba rutoang ba bona e le tichere e na le matla a halalelang.

**Re na le karolo efe hore re bone boporofeta boo ba tsebo ea Morena bo hasana le lefatše lohle?**

## Moshe le Baporofeta

**Bala 2 Timothea 3:14–17. Litemana tse li re rutang ka karolo ea mangolo thutong ea Bokreste?**

Lentsoe la karolo ea pele ea Bibe, Tora, ka nako e 'ngoe le tolokoa e le “molao,” e kaba hobane ho na le melao e mengata libukeng tsena. Empa haele hantle, Tora e bolela “ho ruta” kapa “ho fana litaelo.” Kutloisiso ena e fapane hole le eo ba bangata ba nahanang hore “molao” ka Bibeleng o sona, eleng, litaelo le melao eo re tlamehang ho e latela hore re lule mohaung oa Molimo. Ha ho joalo; molao o reretsoe ho ba sethusa-thuto se sebetsanang le ho phela ka katleho o bolokehile likamanong tsa selekane tseo Molimo a neng a li batla ha a qala ho re bopa.

Likarolo tse peli tse latelang tsa Bibe ea Seheberu, baporofeta, li tlaleha kamoo batho ba Molimo ba nepileng thuto ena baba ba phela ka eona (baporofeta ba pele, kapa libuka tsa histori), le seo ba neng ba tlameha ho ithuta sona lingoloeng tsena tsa thuto (baporofeta ba latelang). Karolo e setseng ea Testamente ea Khale (e bitsoang “lingoloa” ka Seheberu) e tletse mehlala ea litichere le barutoana ba atlehileng haholo le ba sa atlehang haholo, 'moho le maiphihlelo a bona a thuto. Mehlala ea katleho ea thuto libukeng tsena ke Esthere, Ruthe, Daniele, le Jobo. Hara ba feitseng e kaba metsoalle e mene ea Jobo. Ehlile, buka ea Lipesalema ke buka ea lifela, empa le eona, bonyane e na le Lipesalema tse tharo tsa thuto: Pesaleme 1, Pesaleme 37, le Pesaleme ea 73.

Lievangeli li tletse leseli le reretsoeng ho ruta, haholo-holo litšoantšong tsa Jesu. Bongata ba mangolo a Paulosi bo qala ka phatlalatso e matla ea evangeli, empa li qetella ka ho fana ka thuto, lithuto tse ka pheloang tsa bophelo ba letsatsi le letsatsi. Mohlala, ho pepesa, kapa ho koaholla bokamoso ba kereke ea Krete, li senoloa bukeng eo e ka phetloang ke Konyana ea Molimo feela-Jesu Tichere e Kholo (Tsen.5:1–5).

**Ba bang ba kare hase lithuto tsohle tse fumanoang lingoloeng tsa Moshe tse ka sebetsang ho rona kajeno, ebile ha se tsohle tse nepahetseng. Deuterenoma 17:14–20, molao o malebana le marena, malebana le ho khetha motho ea tla tsoara ofisi ea borena. Kajeno ha re khethe marena kerekeng ea rona. Re khona ho etsa qeto ea hore na ke sefe se nepahetseng se ka etsoang lithutong tsee kaofela tse mangolong bakeng sa nako ea rona joang?**

## Banna le Basali ba Bohlale

Mantsoe a sekolo, ho ithuta, le thuto a utloisoa hantle mehleng ena ea rona, empa ha a ea tloaeleha ka Bibeleng. Ho na le lentsoe le le leng, bohlale/tlhalefo, le tloaelehileng haholo. Mohlala, Tetamente ea khale e buoa ka banna le basali ba bohlale (2 Samuele. 14:2, Lipro. 16:23).

### **Bala 1 Marena 4:29–34. See se re rutang ka bohlokoa ba bohlale?**

---

---

Morena Solomone o qolloa e le monna ea bohlale-hlale ea ileng a buoa ka liphoofolo le limela a ba a buoa Maele a bohlale, ho bolelang hore joaloka monna oa (1 Marena 4:29–34), Libuka tsa Liproverbia le Moeklesia li fupere lithuto tse ngata tse bohlale lithutong tse ngata, tse nkoang e le tsa Salomone le litichere tse ling tse bohlale tsa mehleng eo (Lipro. 1:1, Lipro. 25:1, Lipro. 30:1, Lipro. 31:1).

Ho ea ka Bibe, bohlale bo tšoana le thuto ea rona kajeno. Ke ntho eo motho a ithutang eona litichereng le batsoaling, haholo-holo ha a le monyenyanane (Moeklesia 12:1), empa haele hantle motho o fumana bohlale bophelo bophelo bohle ba hae. Taba ea bobeli, hangata bohlale bo na le seo motho a lokelang ho se etsa; mohlala, ithute ho bohloa bo bolokang lijo tse lekaneng (Lipro. 6:6–8).

Leha ho le joalo bohlale ha se hore ke ntho'e etsehang feela; bo boetse bo na le lehlakore la fiyori, hobane bo qala ka tumelo ho Molimo e be bo latela metheo e itseng ea bolokoa (Lipro. 1:7). Bohlale bo re thusa ho phela ka boikarabello le molemong oa ba bang, bo bile bo re thusa ho re qobisa bomali-mabe. Taba ea ho qetela, joaloka thuto kajeno, bohlale bo ka se arabe lipotso tsohle tsa rona, empa bo etsa hore re khotsofalle seo re se tsebang ha re tsoela pele ho batlana le seo re sa se tsebang, ntlha-kemo ena e ntle haholo ho re ruta ho tseba Molimo le ho tšepa mohau oa hae. Ho ea ka Jeremiah 18:18, mosebetsi oa tichere e bohlale o nkoa o tšoana le oa moprista le moporofeta. Boraro bona bo fetisetsa melaetsa e tsoang ho Molimo bathong ba hae, ka lithuto tsa molao, likeletso tsa thuto, le melaetsa e ikhethang e tsoang ho Molimo.

**Ke joang re ka ithutang bohlale le ho bo fetisetsa ho ba tlang kamora rona? Ke hobaneng ha see se le bohlokoa ho rona, re le batho, ho se etsa?**

## Thuto Kerekeng ea Pele

O mong oa metheo e babatsehang ea thuto mangolong e hlaha ha Jesu, Tichere E kholo, a itokisetsa ho siea barutoana ba hae kapa barutuoana. Ba ne ba bile le eena lemo tse tharo le halofo, nako e ka ba tlang e lekana le eo ree qetang sekolong se phahameng kapa Kholecheng. Qetellong ea nako ena, morutoana o nkoa a butsoitse ho ka ikemela. Empa Jesu o ne a tseba betere, o ile a fa balateli ba hae morupeli e mong eleng Moea O Halalelang ho ntšetsa pele thuto ea bona. Kae kae, morupeli enoa hothoe ke Motšelisi kapa 'Muelli (ka Segerike, paracletos), ea tla fuoa balateli ba Jesu ka ho sa feleng (Johanne 14:16, 17). Hothoe ke Moea oa 'nete. Leha ho sa thoe Moea O Halalelang ke tichere, mosebetsi oa hae ke oa thuto, haholo-holo ha ho fluoa tabeng ea ho batla le ho fumana 'nete.

### **Bala 1 Bakorinthe 2:1–16. Paulosi o reng moo e bohlokoa ha re sheba thuto?**

---



---



---

Paulosi o qala ka ho hopotsa kereke e Korinthe hore ha a ne a qala ho fihla ho bona ha' buoa ka letho haese Jesu Krete ea thakhisitsoeng (1 Bakor.2:2)—ha ho bohlae ba botsotsi, phatlatatso ea evangeli feela. Empa seo e ne e se pheletso ea sohle (1 Bakor.2:6), hobane ha balumeli bana ba bacha ba hola, moapostola o tla khutla ho ba ruta bohlae, lintho tseo Molimo a li patileng e sale lefatše le theoa (1 Bakor.2:7), le ntho tsa Molimo tse tebileng (1 Bakor.2:10). Tsohle li tla ithutoa tlasa tataiso ea Moea oa Molimo ha o kopana le moea oa moithuti.

Thuto eo e tla teba hakae, ke thuto e kae e tla senoleloa bao ba tsamaisoang ke Moea? Khaolo e koala ka qotso e tsoang ho moporofeta Esaia: “Ea lemositseng moea oa Jehova ke mang? Eo e bileng moeletsu oa hae, ea mo rutileng, ke mang?” (Esa. 40:13). Moporofeta ea buoang le batho ba mehleng ea hae a kare haho motho ea ka etsang seo. Empa Paulosi o lokisa kutloisiso eo ka hore, “re na le monahano oa Krete,” ho bolelang hore Bakreste ba tletseng Moea ba na le hore ba ka fihlela monahano oa Molimo, ka hona, sohle se ka ithutoang le ho utloisisoa (1 Bakor.2:10–13) se tla hlokeha bakeng sa ho tseba tsela e eang ho lokeng.

### Tsepamisa Maikutlo:

Thomo e kholo ea evangeli (Matt. 28:18–20) e thehile lebotho la bolumeli le fetang ohle a kileng a bonoa lefatšeng lohle. Barutuoa kapa barumuoa ba 'maloa ke bana (mantsoe ana a mabeli a bolela ntho e le 'ngoe—“ba rumuoa) ke bana ba ea ka lefatše lohle ba bokella barutoana, ba ba etsa barutuoa, ba ba memela ho lumela ho Krete, ba ba kolobetsa, ba ba ruta tsohle tseo Jesu a neng a ba laetse tsona. Setšoantšo ke sa Bakreste ba sokolohang lefatšeng, ba emetseng meetlo le lipuo tse fapaneng, ba tsoa ka metsing a kolobetso ho kena ka sekolong ba qala lithuto tsa bona. Sena ha se makatse, ba ntse ba e na le tse ngata tseo ba tlamehang ho ithuta tsona. Lebaka le etsang hore e be Bakreste ba lutse ba ithuta ha se feela ho chorisa tsebo ea keello kapa ho rata bohlae, empa hore bophelo ba mokreste bo thophothele qola tsohle tsa maphelo a bona a letsatsi le letsatsi. Ho na le tse ngata tse ka ithutoang. Ka lebaka lena, mangolo a Testamente e ncha a fupere phatlalatsa ea Jesu (ka nako a bitsoa ka lentsoe la Testamente e Ncha kerygma [keh-RIG-ma]) le thuto tsohle tseo Bakreste ba tlamehang ho ithuta tsona (ka nako e 'ngoe li bitsoang ka lentsoe la Testamente e Ncha didache [did-ah-KAY]). Mohlala o motle oa phatlalatsa o bonoa ho 1 Bakorinthe 2:2, ha thuto e qala ho 1 Bakorinthe 4 e be e tsoela pele joalo lengolong lohle. Ke sefe seo Bakreste ba tlamehang ho ithuta sona? Mosebetsi, phomolo, likamano, likamano sechabeng, kereke le khumamelo, moruo, ho fana, likamano le babusi, tlhabollo, tsa malapa, likamano manyalong le ho holisa bana, lijo le ho li pheha, liaparo, le ho tsofala ba itokisetsa qetello ea bophelo, bophelo ba motho lefatšeng lena. Ho ba Mokreste ho bolela ho ithuta ntho tse na kaofela 'moho le tse ling. Ho li utloisisa ha ho itlele feela. Ho lokeloa ho ithutoa.

### Potso ea Ho Qoqa:

1. Mosebetsi oa thuto o bohlokoa hakae thomong ea kereke?
2. Ellen G. White o ne a bolelang ha a re “leholimo ke sekolo” (*Education*, leq. 301)?
3. Bala 1 Bakorinthe 2:1–16 hape. Sheba seo Paulosi a re bolellang sona ka seo Molimo A re senolelang sona ka tšusumetso. Nahana ka polelo ena e reng babusi le bohlae ba lefatše li tla fetoha lefeela. Haeba a ne a ka cho joalo nakong eo, joale e be bo bong ba bohlae ba mehlang ee, bona?